

Na osnovu člana 25. Statuta Općine Stari Grad Sarajevo – Prečišćeni tekst (“Službene novine Kantona Sarajevo”, broj 20/13) i člana 85. i 96. Poslovnika Općinskog vijeća Stari Grad Sarajevo (“Službene novine Kantona Sarajevo”, broj 23/14), Općinsko vijeće Stari Grad Sarajevo je na svojoj 33. sjednici održanoj \_\_\_\_\_ 2015. godine utvrdilo

**NACRT**

## **PRAVILNIK**

o utvrđivanju kriterija, postupka i načina davanja i izmjene naziva ulica, trgova, parkova, mostova, institucija, ustanova, naselja i naseljenih mjesta na području Općine Stari Grad Sarajevo

### **Član 1.**

Ovim Pravilnikom utvrđuju se kriteriji, postupak i način davanja i izmjene naziva ulica, trgova, parkova, mostova, institucija, ustanova, naselja i naseljenih mjesta (u daljem tekstu: davanje i izmjena naziva) na području Općine Stari Grad Sarajevo (u daljem tekstu: Općina).

### **Član 2.**

(1) Inicijativu za davanje ili izmjenu naziva iz člana 1. ovog Pravilnika, mogu podnijeti:

- Komisija za obrazovanje, kulturu i kulturno-historijsko nasljeđe
- Općinski načelnik
- Općinski vijećnici
- Savjet mjesne zajednice
- Kulturne i javne institucije
- Organizacije, udruženja i druge pravne osobe
- Građani ulice čiji se naziv mijenja - najmanje 50%- 80% stanovnika, iz predmetne ulice (Inicijativa MZ: MZ Hri-Jarčedoli, Babića Bašča, Mjedenica, Medrese, Širokača, Ferhadija, Bistrik, Vratnik, Mošćanica, Sedrenik, Mahmutovac i Bašćaršija)

(2) Inicijativa se pokreće u pisanom obliku na propisanom obrascu – prilog obrazac koji se može preuzeti se u prostorijama mjesne zajednice, info pultu Općine Stari Grad, kao i na WEB stranici Općine Stari Grad.

Popisani obrazac sadrži sljedeće podatke:

- a) Postojeći naziv (popunjava se ukoliko je naziv već dodijeljen)
- b) Prijedlog novog naziva
- c) Broj stanovnika (ukoliko se radi o nazivu ulice)
- d) Detaljno obrazloženje sa razlozima i relevantni dokazi za promjenu naziva

Kriterije za izmjenu ili dodjelu novog naziva određuju se po:

- Geografskim pojmovima (npr. ime po gradu, rijeci, toponimima sl.)
- Datumima vezanim za značajne događaje iz historije BiH.
- Imenima osoba koje su dale značajan doprinos u historiji BiH
- Imenima formacija, šehida i poginulih boraca iz odbrambeno-oslobodilačkog rata 1992-

- 1995 (dobitnici najvećih ratnih priznanja)
- Imenima osoba koje su dale svoj doprinos u kulturnom, privrednom, društvenom, sportskom i naučnom razvoju BiH (osvojene nagrade)
- e) Spisak stanovnika iz ulice kojoj se daje naziv ili se naziv mijenja, sa potpisima i brojem L.K. koji podržavaju inicijativu (najmanje 100 građana)

### Član 3.

(1) Inicijativa se podnosi Komisiji za obrazovanje, kulturu i kulturno historijsko naslijeđe Općinskog vijeća Stari Grad Sarajevo,

(2) Prilikom razmatranja inicijative iz stav (1) ovog člana, Komisija ocjenjuje da li i ista zadovoljava kriterije propisane ovim Pravilnikom i navedene u propisanom obrascu, te može zahtijevati da Savjet MZ provede anketu, sazove zbor građana ili od podnosioca inicijative traži dostavu dodatne dokumentacije.

(3) Ukoliko Inicijative ne budu podnesene u skladu sa odredbama člana 2. ovog Pravilnika neće se uzeti u razmatranje.

### Član 4.

(1) Komisija za obrazovanje, kulturu i kulturno historijsko naslijeđe utvrđuje prijedlog Zaključka kojim daje mišljenje da li su ispunjeni uslovi za davanje ili izmjenu naziva iz člana 1. ovog Pravilnika i isti dostavlja Općinskom vijeću na razmatranje i utvrđivanje konačnog mišljenja.

(2) Nakon donošenja konačnog mišljenja u formi zaključka od strane Općinskog vijeća isto se dostavlja nadležnoj Komisiji za obilježavanje, čuvanje i njegovanje historijskih događaja i ličnosti Skupštine Kantona Sarajevo, odnosno drugom nadležnom organu, na dalju nadležnost.

### Član 5.

Ovaj Pravilnik stupa na snagu narednog danom objave na oglasnoj ploči Općine, a naknadno će biti objavljen u "Službenim novinama Kantona Sarajevo.

Broj:02-49-  
Oktobar 2015.  
Sarajevo

PREDJEDAVAJUĆI  
OPĆINSKOG VIJEĆA STARI GRAD  
S A R A J E V O

Vedran Dodik dipl. pravnik

**PRILOG:** Prijedlog obrasca inicijative za davanje i izmjenu naziva ulice.

---

Podnosilac inicijative

---

Adresa prebivališta / sjedište

---

Broj telefona

---

OPĆINA STARI GRAD SARAJEVO  
Komisija za obrazovanje, kulturu i kulturno historijsko naslijeđe

**INICIJATIVA ZA DAVANJE/IZMJENU NAZIVA**

ulica, trgova, parkova, mostova, institucija, ustanova, naselja i naseljenih mjesta na području  
Općine Stari Grad Sarajevo

<b>Trenutni naziv</b>	
<b>Prijedlog za novi naziv/izmjenu naziva:</b>	
<b>Broj stanovnika i domaćinstava</b>	
<b>Obrazloženje – razlog za davanje/izmjenu naziva</b>	
<b>Historijski podaci</b> (treba da sadrži minimalno jedan od dole propisanih kriterija)	
<b>Izvori podataka:</b>	

**Kriteriji za davanje/izmjenu naziva ulice** određuju se po:

- Geografskim pojmovima (npr. ime po gradu, rijeci, toponimima sl.)
- Datumima vezanim za značajne događaje iz historije BiH.
- Imenima osoba koje su dale značajan doprinos u historiji BiH
- Imenima formacija, šehida i poginulih boraca iz odbrambeno-oslobodilačkog rata 1992-1995 (dobitnici najvećih ratnih priznanja)
- Imenima osoba koje su dale svoj doprinos u kulturnom, privrednom, društvenom, sportskom i naučnom razvoju BiH- osvojene nagrade

**Prilog:**

- Originalna ili ovjerena fotokopija dokumentacije
- Spisak građana iz ulice čiji se naziv mijenja sa potpisima koji podržavaju inicijativu

**Napomena: Dostavljanjem nepotpunih podataka ili dokumentacije inicijativa se neće uzeti u razmatranje.**

## O b r a z l o ž e n j e

### PRAVNI OSNOV

Pravni osnov za donošenje Pravilnika o utvrđivanju kriterija, postupka i načina davanja i izmjene naziva ulica, trgova, parkova, mostova, institucija, ustanova, naselja i naseljenih mjesta na području Općine Stari Grad Sarajevo sadržan je u odredbama člana 25. Statuta Općine Stari Grad Sarajevo (Statuta Općine Stari Grad Sarajevo – Prečišćeni tekst (“Službene novine Kantona Sarajevo”, broj 20/13) u kojem je tačkom 13. regulisano da Općinsko vijeće : **“utvrđuje naziv za dijelove naseljenog mjesta”**, a tačkom 14. da: “podnosi inicijativu za davanje i promjenu naziva za dijelove naseljenog mjesta (ulice, trgovi, mostovi, parkovi i sl)”.

Članom 96. Poslovnika Općinskog vijeća Stari Grad Sarajevo (“Službene novine Kantona Sarajevo”, broj 23/14) je je utvrđen redovni postupak za donošenje odluka i drugih akta Općinskog (pravilnika iz člana 85.)

### RAZLOZI ZA DONOŠENJE PRAVILNIKA

Zbog učestalih zahtjeva građana i pojedinih pravnih lica za izmjenama postojećih naziva ulica, mostova i dr. kojima su već dati nazivi i čije obilježavanje tablama i brojevima je već izvršeno, što je iziskivalo znatna materijalna sredstva na teret Budžeta Općine Stari Grad Sarajevo, a kojima nije bilo moguće udovoljiti, jer ne postoje propisani kriteriji na osnovu kojih bi, nadležno radno tijelo Općinskog vijeća, utvrdilo i predložilo davanje ili izmjenu tih naziva, Općinsko vijeće je na 30. sjednici, održanoj 27.07.2015. godine, donijelo Zaključak da se sačini odgovarajući Pravilnik sa kriterijima te zadužilo izvršioce.

Samostalni sektor za rad sa mjesnim zajednicima je formirao Radnu grupu koja je, u saradnji sa savjetima MZ pripremila osnovne kriterije i prijedlog obrasca, te dostavila Stručnoj službi Općinskog vijeća kako bi isti, u skladu sa Poslovníkom Općinskog vijeća, bio pripremljen i razmatran na prvoj, narednoj sjednici Općinskog vijeća.

Pored navedenog Klub vijećnika SDP Stari Grad je, dostavio i jedan prijedlog Procedura za dodjelu i izmenu naziva ulica, koji će biti razmatran u postupku javne rasprave.

S obzirom da se prijedlog koji je sačinila radna grupa bazirao samo na davanju i izmjenama naziva ulica, Stručna služba OV je, u skladu sa gore navedenim zahtjevima i nadležnošću OV za davanje inicijativa i mišljenja, odredbe Nacrta Pravilnika proširila i na trgove, parkove, mostove, institucije, ustanove, naselja i naseljena mjesta na području Općine Stari Grad Sarajevo.

U skladu sa procedurom propisanom članom 96. Poslovnika Općinskog vijeća Stari Grad Sarajev, potrebno je da Općinsko vijeće, tekst Pravilnika o utvrđivanju kriterija, postupka i načina davanja i izmjene naziva ulica, trgova, parkova, mostova, institucija, ustanova, naselja i naseljenih mjesta na području Općine Stari Grad Sarajevo, najprije utvrdi u formi nacrta, odredi rok za javnu raspravu i subjekte javne rasprave, te da, nakon toga pristupi usvajanju teksta Prijedloga Pravilnika.

Stručna služba Općinskog vijeća



**ZAPISNIK  
SA SASTANKA RADNE GRUPE SEKTORA ZA POSLOVE MZ  
ODRŽANOG DANA 12.10.2015. GODINE SA POČETKOM U 13,00 SATI**

PRISUTNI: Husein Holjan, Nedžad Bjelak, Derviša Holjan, Remza Čoko-Tahirović, Jasna Podrug i Belma Kutlovac

**DNEVNI RED:**

1. Prijedlozi Savjeta MZ za izradu Odluke - Pravilnika o utvrđivanju kriterija postupka i načina obilježavanja ulica, trgova, parkova, mostova, institucija, ustanova, naselja i naseljenih mjesta imenima i zgrada brojevima na području Općine Stari Grad Sarajevo

Radna grupa je objedinila sve prispjele inicijative Savjeta MZ i dostavlja Vam

**PRIJEDLOG  
ZA IZRADU ODLUKE – PRAVILNIKA**

o utvrđivanju kriterija postupka i načina obilježavanja ulica, trgova, parkova, mostova, institucija, ustanova, naselja i naseljenih mjesta imenima i zgrada brojevima na području Općine Stari Grad Sarajvo, kako slijedi:

1. Inicijativu za izmjenu naziva ulice ili dodjelu novog naziva ulice mogu podnijeti:
  - Komisija za obilježavanje značajnih datuma
  - Općinski Načelnik
  - Općinski vijećnici
  - Savjet mjesne zajednice
  - Kulturne i javne institucije
  - Organizacije, udruženja i druge pravne osobe
  - Građani iz ulice čiji se naziv mijenja - najmanje 50%- 80% stanovnika, iz predmetne ulice (Inicijativa MZ: MZ Hri-Jarčedoli, Babića Bašča, Mjedenica, Medrese, Širokača, Ferhadija, Bistrik, Vratnik, Moščanica, Sedrenik, Mahmutovac i Baščaršija)
2. Inicijativa se pokreće u pisanom obliku na propisanom obrascu – prilog obrazac (preuzima se u MZ, info pultu Općine Stari Grad, WEB stranici Općine Stari Grad) i treba da sadrži:
  - a) Postojeći naziv ulice
  - b) Prijedlog novog naziva ulice
  - c) Broj stanovnika ulice
  - d) Detaljno obrazloženje i relevantni dokazi za promjenu naziva ulice
  - e) Kriterije za izmjenu ili dodjelu novog naziva ulice određuju se po:
    - Geografskim pojmovima (npr. ime po gradu, rijeci, toponimima sl.)
    - Datumima vezanim za značajne događaje iz historije BiH.
    - Imenima osoba koje su dale značajan doprinos u historiji BiH
    - Imenima formacija, šehida i poginulih boraca iz odbrambeno-oslobodilačkog rata 1992-1995 (dobitnici najvećih ratnih priznanja)
    - Imenima osoba koje su dale svoj doprinos u kulturnom, privrednom, društvenom, sportskom i naučnom razvoju BiH (osvojene nagrade)
  - f) Spisak stanovnika iz ulice sa potpisima i brojem L.K. koji podržavaju inicijativu (najmanje 100 građana)



3. Inicijativa se podnosi Komisiji za obrazovanje, kulturu i kulturno historijsko naslijeđe.
4. U razmatranju inicijative Komisija ocjenjuje kvalitet i sadržajnost iz tačke 1 i 2 i može zahtijevati da Savjet MZ provede anketu, sazove Zbor građana ili od podnosioca inicijative traži dostavu dodatne dokumentacije.
5. Inicijative koje ne budu podnesene u skladu sa odredbama iz tačke 1 i 2 neće se uzeti u razmatranje.
6. Komisija utvrđuje prijedlog Odluke i isti dostavlja Općinskom vijeću na razmatranje i usvajanje, koja se dalje prosljeđuje KS.

Članovi radne grupe:

1. Remza Čoko Tahirović \_\_\_\_\_

2. Husein Holjan \_\_\_\_\_

3. Nedžad Bjelak \_\_\_\_\_

4. Derviša Holjan \_\_\_\_\_

5. Jasna Podrug \_\_\_\_\_

6. Belma Kutlovac \_\_\_\_\_

**PRILOG:** Prijedlog obrasca inicijative za izmjenu naziva ulice.



---

Podnosioc inicijative

---

Adresa prebivališta / sjedište

---

Broj telefona

OPĆINA STARI GRAD SARAJEVO  
Komisija za obrazovanje, kulturu i kulturno historijsko naslijeđe

### INICIJATIVA ZA DAVANJE/IZMJENU NAZIVA ULICE

<b>Trenutni naziv ulice</b>	
<b>Prijedlog za novi naziv/izmjenu ulice:</b>	
<b>Broj stanovnika I domaćinstava</b>	
<b>Obrazloženje</b> – razlog za davanje/izmjenu naziva ulice	
<b>Historijski podaci</b> (treba da sadrži minimalno jedan od dole propisanih kriterija)	
<b>Izvori podataka:</b>	

**Kriteriji za davanje/izmjenu naziva ulice** određuju se po:

- Geografskim pojmovima (npr. ime po gradu, rijeci, toponimima sl.)
- Datumima vezanim za značajne događaje iz historije BiH.
- Imenima osoba koje su dale značajan doprinos u historiji BiH
- Imenima formacija, šehida i poginulih boraca iz odbrambeno-oslobodilačkog rata 1992-1995 (dobitnici najvećih ratnih priznanja)
- Imenima osoba koje su dale svoj doprinos u kulturnom, privrednom, društvenom, sportskom i naučnom razvoju BiH- osvojene nagrade

**Prilog:**

- Originalna ili ovjerena fotokopija dokumentacije
- Spisak građana iz ulice čiji se naziv mijenja sa potpisima koji podržavaju inicijativu

**Napomena: Dostavljanjem nepotpunih podataka ili dokumentacije inicijativa se neće uzeti u razmatranje.**